



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Sepultura in loco sacro

urn:nbn:de:hbz:466:1-40647

*Et si concer-
nat bonum
publicum, o-
rtiam cum pe-
na loquitur.*

hæresis, & similibus, juxta dicta V. De-
nunciare, num. 3. †. Unde e contra, si
secretum concernat bonum publicum,
tenebitur illud servare etiam cum peti-
culo mortis; quia naturalis ratio sic
dicat, unde miles Hispanus à Gallis
captus, ver. gra. non posset ex metu
mortis revelare secretum sui exercitus,
conducens ad conservationem ipsius.

*Secus, si par-
ticulare.*

Si autem concernat bonum particulare,
tunc qui sine fraude illud habuit, ad
vitandum grave damnum, verb. grat.
torturam, potest illud detegere: nam
si non teneor servare secretum in dam-
num proximi, multò minus tenebor
servare in damnum meum, & depo-
situm non debet servari cum tanto in-
commodo. Fagundez in decal. tomo. 2.
libro 8. cap. 6. num. 21. & alii apud ip-
sum. p. 6. tract. 6. resolu. 10. An secre-
tum proximi liceat committere uni,
vel duobus taciturnis, Vide Verbo De-
tractio.

*Aperire lit-
teras alienas
regulariter
est mortale.*

2. Litteras alienas aperire in viro do-
mino, regulariter est mortale. Aliquan-
do autem licet, ut jure belli, justæ
defensionis contra inimicum insidias
molientem, si sit suspicio, quòd ali-
quid contineant contra bonum publi-
cum: & denique, si in aliqua Regio-
ne sit statutum, aut consuetudo, quod
Prælati aperiat litteras Religiosorum,
Vide Peyrinam tomo 1. quest. 2. c. 1. §. 13.
p. 31. 6. ref. 55.

*Non tamen
collige & le-
gere lacera-
tas, & proje-
ctas.*

3. Porro litteras, & projectas potest
quis colligere, & legere absque pecca-
to, ut contra Rebllum part. 2. tr. 9. q.
7. numero 9; tenet Layman l. 3. sect. 5. tr. 3.
p. 1. cap. 4. num. 4. qui bene advertit, ta-
lem teneri non revelare secretum in ip-
so inventum, si in alicujus perniciem cede-
ret. Ibid. §. Sed difficultas.

S E P U L T U R A
in loco sacro.

*SEPULTU-
RA in loco
sacro debetur*

† SEPultura in loco sacro concedi-
tur omni Christiano decedenti
absque excommunicatione, interdicto,
aut crimine manifesto †.

2. Infans baptizatus Baptismo dubio, Post Baptis-
ex quocumque capite oriatur dubium, *num. etiam*
rebaptizandus (si supervixerit) sub *dubium*
conditione, sepeliri deberet in loco sa-
cro. Homobonus volumine 2. parte 7.
resolutio. 67. part. 4. tr. 3. resolut. 69. Unde
in loco sacro sepeliri debet baptizatus in
pelle secundina. Ibidem & par. 6. tract. 3.
resolutio. 112. aut in umbilico, per quem
fugebat à matre alimentum, ut ait Mar-
chantius tractat. de bapt. c. 1. q. 1. cas. 2.
p. 5. cit. resolu. 15.

3. Si quis moritur excommunicatus *Nisi quis sit*
toleratus, secundum Raynaudum p. 2. c. *excommuni-*
3. num. 7. privari debet sepultura Eccle- *catus denun-*
siastica, posito quod sit publicus, quia *ciatus.*
in extravagan. ad evitanda nullus ipsi
favor intenditur fieri: sepultura autem
Ecclesiastica est magnum bonum, & in
c. Sacris, & Clemen. 3. de sepult. excom-
municatis omnibus interdicitur. Ego
verò cum Suarez de censur. disput. 12.
sectio. 4. num. 5. id verum puto solum de
non-toleratis: nam dicta prohibitio non
refertur ad mortuos, sed ad vivos sepe-
lientes: ne cum excommunicato com-
municent, quod cum in ordine ad tole-
ratum per dictam extravagantiam per-
missum sit, nihil obstat, quominus in
loco sacro sepeliri possit, p. 5. tr. 7. resolu. 140.
& tract. 9. resolu. 97. & 98 §. Non desinant
Potest etiam excommunicatus defun-
ctus ab habente potestatem absolvi, &
in loco sacro sepeliri, si non est mortuus
in claro peccato mortali, ait Fernandez
part. 1. documen. summe. 5. Villalobos
verò tomo. 1. tract. 16. diff. 20. num. 10.
requirit aliquod signum contritionis. p.
5. tract. 9. resolu. 24. Quod si exhibeat in-
terdictus, possit etiam post mortem ab-
solvitur in eundem finem, ait Bonacina de
censur. disput. 3. punct. 5. num. 11. Sed
hunc Cornejo non indigere absolutio-
ne, inquit in 3. p. tr. 5. disp. 2. §. 4. q. 2. nam
eo ipso, quod discessit poenitens, manet
absolutus à jure; ad hunc enim effectum
interdictum impositum fuerat cum clau-
sula, nisi poenituerit. s. p. tr. 10. resolu. 74.

4. Qui autem excommunicatum de- *Quem qui*
nunciatum in loco sacro sepelirent, in- *sepelirent in-*
currerent excommunicationem Clementi loco sacro, *in loco sacro,*
x. de se.

excommunicatorem incurrerent.

de sepult. ubi habetur: Qui proprietate meretricis audacia in cœmeteriis excommunicatos publice, aut nominatim sepelire præsumunt, &c. nullatenus absolvantur. &c. Quibus verbis, licet in rigore comprehendantur ii solum qui propriis manibus cadaver sepeliunt, ut ait Caietanus v. excommunicatio cap. 46. tamen ex consueto usu comprehenduntur etiam mandantes sepelire, juxta cap. mulieres, §. illis vero, de sent. excom. ibi. cum is commiserat vere, cujus auctoritate vel mandato delictum committi probatur, & alioqui talis cœtura esset frustratoria. Ita Suarez dist. 12. sect. 4. num. 10. Et in particulari ait Megalius in 3. p. lib. 2. c. 6. quest. 1. num. 15. excommunicari hæredes, & consanguineos qui faciunt sepelire; item, Rectores & Clericos Ecclesiæ in qua sepelitur, quamvis propriis manibus non sepeliant; nam in c. ad hæc, de priv. hospitalarii dicuntur sepelisse, nec est verisimile, eos sepelisse propriis manibus. Alii verò non comprehenduntur, dum solum cooperantur remotè, aut negativè, non impediendo, &c. nisi favor tantus esset, ut jure dicerentur auctores. Vide etiam Fabium in 4. dist. 25. quest. 1. disp. 4. num. 188. ubi putat, excommunicari etiam comitantes, cantantes, deferentes crucem, fodientes sepulturam, & similes. p. 5. t. 9. ref. 89.

5. In peccato mortali decedentes, & idcirco extra locum sacrum sepeliendos, ait Machantius tr. 5. de morib. c. 3. q. 4. meretrices, & concubinariorum, usurarios, & qui flagranti delicto occiduntur; nisi quis attesteetur, eos signa penitentiae dedisse. At Mendoza in 2. 2. disp. 76. sect. 3. §. 21. ait, non esse peccatum sepelire quemlibet peccatorem publicum, & seclusa excommunicatione, etiam hæreticum. morientem absque signis doloris: quia potuit salvari per conversionem occultam &c. 2. de usur. in 6. sepultura sacra permittitur usurario post restitutionem, nec exigitur penitentia externa p. 5. t. 3. ref. 99. Sed Vide V. Sigillum v. 50. f.

6. Qui reperiretur laqueo suspensus vel demersus in puteum, non deberet sepeliri in loco sacro, quia præsumere tur se ipsum interemisse. At Villalobos tom. 2. tract. 31. diff. 3. num. 4. requirit alias conjecturas; nam esse potest quòd ab alio suspensus fuerit, vel demersus, cum præsertim semetipsum occidere naturæ adeò repugnet. p. 5. t. 3. ref. 100. Et favè si puella in defensionem pudicitiae ignorans se mactasset, in loco sacro sepeliri deberet, ut diximus V. Ignorantia n. 6. p. 7. t. 7. ref. 47.

7. Privari quoque deberet sepultura secundum Villalobos n. 5. decedens absque Confessione, & signo doloris, quem cerè constaret non esse confessum & communicatum in Paschate. Advertit tamen, id non facillè fieri posse: quia parèst contingere, ut confessus cum Religioso, prohibitus fuerit communicare. Quandonam usurarius publicus Ecclesiastica sepultura privandus sit, vide Vgolin. de usur. c. 24. §. 4. p. 5. t. 3. ref. 100.

8. Privandus item foret Ecclesiastica sepultura Religiosus moriens proprietarius, cap. super quodam, de statu monach. At non propterea proprietarius mori censendus est, quod inveniatur mortuus in cella cum marsupio denariorum Vide V. Pauperes n. 7. vers. Pater, tertio quando tamen non constat, non debet privari p. 9. t. 8. ref. 11. §. Notandum.

9. Et tandem, stante Tridentino & Bullis Pontificum, privari debet sepultura Ecclesiastica, qui moritur in duello. Minimè verò, qui in duello vulneratus decessit postea extra locum duelli, ut contra Peregrinum Sancius & alii, & novissimè Meodoz. §. 178. p. 2. tract. 6. ref. 52. part. 4. tract. 4. ref. 152. §. Verum & part. 5. tract. 3. ref. 99. §. Notandum, & 141. & non incuriunt in censuram sepelientes mortuum in Duello, quando non est publicum, & notorium, sed solum apud aliquos, tamen, res prius deduci debet ad Episcopum, vel ad eius Vicarium. Dian. part. 8. tract. 11. ref. 34.

V. si laqueo suspensus, vel in puteum demersus inveniat.

V. si non confessus in Paschate decedat sine Confessione aut dolore.

V. si Religiosus decedat proprietarius.

Aut denique quis moriatur in duello.

Publicus duellans non potest sepeliri in Ecclesia.



*Etiā post
duellum cū
signis contri-
tionis.*

10. Si autem moriatur in ipso loco duelli, etiam post duellum, & cum signis contritionis, non potest sepeliri in loco sacro. Sic docet Sanc. *disp. 36. n. 9.* & determinatur in Rituali Romano Pauli. *V. rubr. de exequ.* quod etiam determinatum fuerat in c. 1. de torneam. de iis, qui hoc modo moriuntur in torneamentis, quorum usus non est usu duelli detestabilior. Sed Portell. *in resp. p. 3. cas. 10. n. 3.* contendit, sepeliri posse, & interpretatur Concilium, quasi illud in duello idem significet, quod in ipso conflictu, quatenus, qui sic moritur, decedat in claro peccato mortali, quod non contingit in eo, qui moritur post conflictum cum signis contritionis; leges enim penales ampliari non debent. *p. 4. t. 4. resol. 192.*

*Sepeliens
mortuum in
duello non est
excommunicatus.*

11. Quæres; An sepelientes mortuum in Duello sint excommunicati? Baunius in *Theolog. Moral. disp. 3. tract. 2. quest. 19.* negativè responder, quia duellum non nusquam locorum reperitur hæc excommunicatio. Cujus sententiam sequitur etiam Caltrus. *Palaeus tom. 1. tract. 6. disp. 3. punct. 7. num. 21. p. 7. t. 11. resol. 44.*

*Quid de in-
terdicto per-
sonali.*

12. In interdicto personali speciali persona interdicta non potest gaudere sepultura Ecclesiastica, *cap. si civitas, de sentent. excommunic.* In generali similiter ait Fab. in 4. d. 23. *quest. 1. disp. 5. c. 20. num. 56.* nam hoc interdum est denunciatum communicati, & alioqui interdicti possent quoque communicare in divinis officiis, & omnibus Sacramentis, quod est contra essentiam interdicti. Sed Suarez quem securus est Cornejo de *interd. disp. 3. § 5. quest. 2.* contrarium tenet: nam extravag. *ad evitanda* requirit quod persona sit nominatim denunciata, denunciatio autem communis est remota respectu cuiuslibet particularis *part. 5. tom. 10. re. 66.*

An localis?

13. Peres: An in interdicto locali habentes privilegium assistendi divinis Officiis, censentur habere privilegium sepulturæ? Et quid, si quis moriatur in festis Paschæ, Pentecostes, & similibus, in quibus licet unicuique sacris

Officiis interesse? Cornejo § 4. q. 1. negativè in utroque casu responder: quia privari sepultura Ecclesiastica, & interdicti à divinis Officiis, sunt duo distincti effectus interdicti, quorum neuter includitur, vel dependet ab alio, c. *Episcopus de privil. Et c. si sent. de sent. excom. in 6. Sor. in 4. d. 21. q. 3. n. 1. post 4. concl. & alii utrumque affirmant, quia sepultura sacra prohibetur propter duo, id est propter divinum Officium annexum, & propter dependentiam Ordine sacratione consecrationis Ecclesiæ: nec enim in loco sacro sine divino Officio, nec extra locum sacrum cum divino officio dari potest. Ergo, cui non interdicitur divina Officia, nec sacra sepultura carere debet. *p. 5. tr. 10. resol. 67.**

14. Hospes Regularium si moriatur: *Ambo opiniones probabiles.*

in monasterio an possint Regulares illum sepelire absque præsentia Parochi in eorum Ecclesia vel Parochiali; ambo opiniones sunt probabiles, Dian. *p. 9. t. 7. r. 62.* sed si in monasterio Monialium obierit femina secularis, quæ vult sepeliri extra monasterium, functio perinet ad confessarium monasterii, circa puellas educandas utraque opinio est probabilis. *Ibid. §. Sed hic obiter.* Novitius moriens in domo consanguineorum, non tenetur ad quartam funeralium, cum monasterium sit vera domus. *Ibid. in fine.*

S E P U L T U R A M
Eligere.

1. **S**epulturam eligere potest, quinimque testari potest. est enim electio sepulturæ quædam species testamenti, & cum agatur de præiudicio Ecclesiæ parochialis. (nam sepulturam non eligens, sepeliri debet in Ecclesia Parochiali, ut dicemus infra) requirit duos, aut tres testes, si cur quælibet dispositio ad pias causas, *ex c. cum esses, de test.* Sic Lavorius *tit. 2. c. 11. n. 18.* qui addit, sufficere codicillum.